

- 1' Licht wer es / narren vohen an
- 2' Wann man ouch kündt von narrheyt lan
- 3' Welcher das schon wolt vnder stan
- 4' Der würd doch vil gehyndret dran



### entschuldigung des dichters

- 1 Der ist eyn narr / vnd grosser dor
- 2 Wer eym werckman den lon gibt vor
- 3 Der macht nit werschafft vff dem merckt
- 4 Wer nit vff künnftig blonung werckt /

v

5 Gar selkten würt verdient der lon  
 6 Der vor verzert ist / vnd verthon  
 7 Das werck gar langsam naher got  
 8 Das man macht vff vorgessen brott /  
 9 Dar vmb hett man mir vor gelont  
 10 Das ich der narren hett geschont  
 11 Jch hett mich wenig dar an kârt  
 12 Dar zû wer es doch yetz verzôrt /  
 13 Vnd hett die leng mich nit gewerd  
 14 Als alles das do ist vff erdt  
 15 Das ist vnnütz dorheyt geacht /  
 16 Wann ich ouch diß vmb gelt hett gmacht  
 17 Sorg ich mir würd nit glicher lon  
 18 Jch hetts worlich langs lossen ston /  
 19 Aber die wile ichs hab gethon  
 20 Durch gottes ere / vnd nutz der welt  
 21 So hab ich weder gunst noch gelt  
 22 Noch anders zytlich gesehen an  
 23 Des will ich gott zû zügen han  
 24 Vnd weiß doch / das ich nit mag bliben  
 25 Gantz vngestrofft jn mynem schriben  
 26 Den *gûten* will ichs lossen noch  
 27 Jr stroff / jnred / vff nâmen ouch  
 28 Dann ich mich des gen gott bezüg  
 29 Jst ettwas hie / dar an ich lüg  
 30 Oder das syg wider gotts lere  
 31 Der selen heil / vernunfft / vnd ere  
 32 Des stroff nym ich vff / mit gedult  
 33 Jch will am glouben nit han schuldt  
 34 Vnd bitten hye mit / yederman  
 35 Das man von mir für gût well han

---

22 zytlich *GW5046 GW5047* ] zytlichs *GW5041* 26 *gûten* ] gût n *GW5046*

36 Vnd nit zů argem messen vß  
 37 Noch årgerniß / schand / nemen druß  
 38 Dann ich habs dar vmb nit gedicht  
 39 Aber ich weiß das mir geschicht  
 40 Glich wie der blūmen die wol rücht  
 41 Dar vß das byenlin hunig zücht /  
 42 Aber wann dar vff kumbt eyn spynn  
 43 So sůcht sie gyfft noch jrem gwynn  
 44 Das würt har jnn ouch nit gespart  
 45 Eyn yedes dūt noch syner art  
 46 Wo nüt ist gūttes jn eym huß  
 47 Do kan man nüt gūts tragen vß  
 48 Wer nit gern hōrt von wißheyt sagen  
 49 Der würt dest dicker von mir klagen  
 50 Dem hōrt man an syn Worten an  
 51 Was er sy für eyn gouckelman /  
 52 Jch hab gesehen manchen dor  
 53 Der vff erhebt was hoch entbor  
 54 Glich als der Cāder Lybani  
 55 Der bducht sich syner narrheyt fry  
 56 Jch wart eyn wile / vnd hort syn nym  
 57 Jch sůcht jn / er gab mir keyn stym  
 58 Man kund ouch fynden nit die stat  
 59 Do der selv narr gewonet hat  
 60 Wer oren hab / der mōrck / vnd hōr /  
 61 Jch schwig / der wolff ist mir nit verr  
 62 Eyn narr strofft manchen vor der zyt  
 63 Das er nit weißt was jm an lyt  
 64 Mūst yeder syn des andern ruck  
 65 Er würt bald jnnen was jn druckt

66 Wer well / der leß diß narrenbüch  
 67 Jch weiß wol / wo mich druckt der schüch  
 68 Dar vmb / ob man wolt scheltten mich  
 69 Vnd sprechen / artzt heyl selber dich  
 70 Dänn du ouch bist jnn vnser rott  
 71 Jch kenn das / vnd vergych es gott  
 72 Das ich vil dorheyt hab gethon  
 73 Vnd noch jm narren orden gon  
 74 Wie vast ich an der kappen schütt  
 75 Will sie mich doch gantz lossen nytt  
 76 Doch han ich fliß / vnd ernst an kört  
 77 Do mit (als du sichst) han gelert  
 78 Das ich yetz kenn / der narren vil  
 79 Hab mü̃t ouch fürter / ob gott will  
 80 Mit witz mich bessern / mit der zyt  
 81 Ob mir so vil / gott gnaden gytt  
 82 Eyn yeder lüg das er nit fäl  
 83 Das jm nit blib der narren sträl  
 84 Der kolb veraltt jn syner hant  
 85 Des sy eyn yeder narr gemant  
 86 Als bschließt Sebastianus Brant  
 87 Der yedem zû der wißheyt ratt  
 88 Er sy was wesens / oder stat  
 89 Keyn gü̃t werckman / kam nye zû spatt  
 90 .1.4.9.5.  
 91 Nüt on vrsach.  
 92 .J. .B.